

歐

北

集

甌北集卷三

起壬申九月
至乙亥四月

陽湖 趙翼 耘菘

壬申下第作

倦游情緒峭寒天人海喧中黯自憐漫擬穿楊憑一箭
又須刻楮費三年遠磨向壁空參佛子晉吹笙已得仙
我豈不知歸去好將行又計買山錢

身本高陽一酒徒無端托業忝爲儒舉場我歎魚緣木

敗卷人唾鬼書符

三字見元
遺山詩

羞學空函書咄咄共誰擊缶

和鳴鳴祇應白髮高堂夢猶問泥金信到無

也知得失一鴻毛舍此將何術改操親老河難人壽俟
時清星敢少微高長鳴棧馬還思豆未解庖牛忍善刀

回首短檠殘炷在搬蠹自笑鼠徒勞
閉門仍與一編親肯便干時踏軟塵鑄硯終看穿硯日
拆橋多是過橋人關河倦羽三更鴈風雪寒衣百結鶉
笑看禰衡名刺在已經磨滅字都湮

送內弟劉敬輿之官閩中

天上除書墨未乾早聞竹馬逐雕鞍青燈債了經生業
黃綬班榮進士官翠髻梳雲山九曲畫眉啼雨樹千盤
最欣持節堪迎養佳味先嘗荔子丹

送汪頴思成進士南歸

兩載情同蛭蟻親離筵忽漫淚沾巾那堪落第看登第
况是羈人送人去人藜火未分中秘夜絲衣且慰北堂春

獨慚倦羽難仙去，猶舐餘丹傍路塵。

名園同托一枝棲，亞字剛干俯碧溪。片席豈分牀上下，
三間恰似廡東西。景堪作畫煩癡顧，交已忘形忽懶稽。
遊跡他年應不忘，詩筒棋局綠楊隄。

寄懷杏川白峯諸同人

賣賦長安歲幾更，滯留猶自守寒榮。竿頭步進無多子，
飯顆吟催太瘦生。離岫雲憐何處宿，出山泉憶舊時清。
一尊旅館懷人夕，淒斷西風落葉聲。

戲題魁星像

是何猗猗鬼戴斗，曷鼻魍魎貌粗醜。云是星精主文衡，
藥榜榮名在其手。黃金點目儼方相，牛頭夜叉舞跣跟。

市頭忽逢白日鬼

三字見劉跋服日記及田汝成委巷叢談

陣上突出黑面王似此

險怪倘操鑿寧免軋茁穴詞章我聞奎爲文昌宿一十
六星光彩秀昔時五緯聚此颺肇啓道學朗如晝不知
何年訛爲魁奉之不異瞻三台東坡死後作魁宿道家
幻語誰見來古人字以象形起今反就字求形似遂令
黥頭朱衣人抹粉塗丹作魑魅初從邗夫子塾中伴食
梓潼居配位可憐如今士大夫亦復乞靈俱去聲清闕毋
怪亭林老人笑科目人皆不識字

野菊

多少秋芳入貴家
獨餘籬落幾寒葩
對君莫訝相憐甚
同是無人賞豔葩

哭杭廷宣之訃

斯人遂已貉邱藏落月猶看滿屋梁
與我丹雘深結契欠君白馬遠奔喪
十年遊跡龐家塚千里傷心子敬牀
目斷長空爲位哭淚痕如雨下淋浪

一卷丹鉛靜下帷蕭齋自課過嚴師
豈知文字能工日

卽是心肝盡嘔時君以心
癢字錦帶未更居士服
衰衣翻累老

親披更憐身後無髻鬢手澤遺書付阿誰

河梁送我峭帆輕一別俄驚幾載更
久客不歸無異死故人入夢尙如生
過車三步他年痛許劔千金舊日情
身計定知君不含忍辭殘局爲收枰

人境廬詩爲蓬洲同年作

吾友少年不得意家破身如舟不繫一年三徙無寧居
賤僦茅齋鄰馬肆旁觀方代窮途悲君獨胡爲面猶睥
今看自名其廬曰人境乃知雅志早與古人契大凡好
醜無定形各隨意境易位置華堂或同桎梏拘窮巷或
抵林亭遠佛言淨土卽心是心淨能消土垢感陶輪擲
過恒河沙芥孔納得須彌翠丈夫未獲嘘雲吸雨奮九
霄暫且泥蟠守衡泌橫門兩板屋數間依然不遠人間
世豈必南山南北山北鑿空逃虛托孤寄庚桑避喧去
畏蠱毋乃猶爲境所累何如賣卜嚴君平市上垂簾自
清悶君今賃廡馳道旁車馬轟闐響如沸廬中趺坐方
晏如掃室焚香靜無事萬人如海一身藏千載陶廬此

其二而我勸君勿徒爾君本名家推令器豈宜托跡隱
淪高正可將身喧寂試養成膽力久堅定盤錯中好抒
幹濟漫山戰鼓不移牀破柱疾雷弗喪七回首塵鷲舊
草堂此是生平鍊心地

寒夜澄懷園步月

幽人夜吟一燈擁明月來窺入窗孔清景撩人眠不得
起步空林力賈勇流澌已涸澤腹枵殘雪未消山背腫
萬株枯樹無一葉似鳥畏寒翻去氈濕衣無聲霜華下
暗結冰稜磴滑踵此時世人盡酣睡蒙被家家繭蛻蛹
清寒只我與嫦娥天上人間兩不憎興來登山發長嘯
喝退浮雲不敢湧林魘亦駭此狂生潛伏深叢盡驚恐

惜無人送半臂來不覺雁仙兩肩聳歸到虛堂清不寐
坐看庭階尙潑汞

集益齋卽事戲呈休寧座主

名園頻歲借居停韋杜天邊處士星青愛草痕簾不捲
香留花氣戶常扃臨池閒寫來禽帖插架兼翻相鶴經
一笑主人常儗直讓儂占作草元亭

退直歸來雅興賒閒商文史浩無涯公於此已肱三折
我愧才非手八叉幸有津梁先路導何煩繇竹後堂譁
步趨宛憶童時景書館從師侍絳紗

消夏絕句

名園長夏景清和借與幽人領畧多絕似溫公洛陽墅

爲堯夫結一行窩

蕩漾中流一釣船
團蕉趺坐晚涼天
兩頭略不施篙櫂
付與風吹到岸邊

北地難逢竹箭芥
短籬喜報茁新篁
謝家庭下孫枝發
幾日驚看似我長

小雨如酥過曉風
幾枝豔發映簾櫳
女郎愛插花盈髻
試手先探月月紅

紫萼離離一樹桑
清晨掬盡露華香
一枝最遠無人採
畱與黃鸝作晚糧

棐几蕭閒午睡餘
臨窗自寫瘦黃書
盆池忽漫一聲響
閃出一條金鯽魚

山如屏幃水如羅想見黃金布地多一片盤陀盈丈石
當年曾費萬牛拖

月淨波澄夜沈寥誰家吹出一枝簫聽他入破悠揚處
葉葉風荷欲動搖

一榻花陰對綠洞茶烟香篆互縈回蕭齋四面皆窗戶
何處風來何處開

一編閒讀首楞嚴後夜雞鳴靜諦拈香罷經聲歇禪榻
諸天細雨正廉纖

時晴齋與王穀原舍人小飲

西窗剪燭月痕斜旅邸相依感鬢華倦後客懷叢桂樹
瘦來人似老梅花才名競欲招東閣

先客梁蕪林家字第
今客江松泉司空第

狂態

兼愁滿正衙且莫臨觴悲晚晚千秋著述已成家

題汪用明風樹吟秋圖

一幅空林蕭槭聲畫師工寫廢莪情秋風吹老干紅葉
都是臯魚血染成

負米空懷寸草酬蕭齋落木伴人愁生來未識春暉暖

忍聽秋聲不淚流

君生未一月喪母

題董石芝印譜

古時摹印尙繆篆後世兼用籀與斯或云繆法本方正
旁叅雜篆殊非宜此論太拘吾不取但合於古皆可爲
玉筋金刀旣懋律懸針倒薤亦嘖奇自從隸楷趨便易
斯道漸廢習者稀間有嗜學講倉雅祇憑訓詁增枝辭

奔以三牛麤三鹿滑乃水骨波水皮王氏字說實禍始
妄逞臆見徒支離誰能遠溯金石刻摹取神理心手追
遼陽董生有篆癖凡將爰歷恣檢披壯夫不羞雕蟲技
直以頑石爲肝脾囊攜百錢入小市雞鳴而起何孳孳
收得爛銅章數片歸來把玩忘調飢以之能事擅殊絕
一枝鐵筆名京師生平妙製一千五彙成巨譜索我詩
我不工書鬼掣肘就中原委粗能知昔人私印多自鑄
次或碾玉熬燒瓷刷花乳石起王冕磨礪梳剔功易施
遂令鑄鉄徧天下爭新鼻紐盤蛟螭朱文彷彿唐白文漢
四字成偶三字奇要惟博覽古遺跡乃拔流俗無凡姿
陽冰坐臥碧落觀率更摩挲索靖碑由來師法有獨得

不與人世同妍媸，畫生勉乎園勿窺。九折臂始稱良醫，
試更搜訪杲渤碣，兼復稽討商周彝。父已祖丁辨荒忽，
那湫詛楚窮毫釐。螭匾整長體，各異魚頭鳥喙勢。不羈
吾知技益入神妙，必傳於後當無疑。

和沈倬其同年看花絕句

薊門霜冷見春遲，吹透東風了不知。忽漫一枝紅杏出，
累人牆外立多時。

鬻絲禪榻度年華，倦客齋如老衲家。堪笑風情工幻語，
詎他窮眼說看花。

考授中書舍人遂罷官學教習

浪遊所急升斗祿，官學濫竽充教讀。期滿例得邑令去，

足爲老親給餽粥無端又羨鳳池棲一試輒如貫革鏃
無官今轉嫌官多一身兩岐進退谷明知出宰可救貧
尙須三載入除目京官雖無專城榮選期已逼蠶上蔟
遂辭花縣京 抗寧舍巧遲取拙速座中有客私相尤
窮人只向窮途逐徒慕虛名失厚實他日應悔中書禿
伊余自揣良已審腐儒那任作民牧直廬珥筆文字供
頗似車輕就路熟寒酸腸久甘藜苳疎懶身難試案牘
好官樂在多得錢書生相本無食肉非命所有強致之
利之所在害卽伏殺牛或轉不如禰失馬安知未爲福
京官儉則償清閒外吏豐則任勞碌稱物平施木天道
傅之翼者兩其足君不見腰纏騎鶴特寓言東食那能

更西宿

南歸

六年爲客住京畿
潞水西風一櫂歸
笑比鷓鴣啼怕冷
秋涼時節正南飛

苦爲求名久滯留
頻年拋却故園秋
一官到手忙歸去
大有人嗤楚沐猴

纔上歸舟宿潞河
早聞水調滿鄆多
不堪暮雨吳娘曲
還唱天涯蕩子歌

到底吳儂愛坐船
棧車策蹇已年年
一聲柔櫓咿啞響
忽似鄉音到耳邊

德州南有地名夾馬營查初白詩謂卽朱祖所生

地而以不能克復燕雲致鄉社拋落邊鄙曾不
如漢高之貌有燕代詩中有微詞焉按宋紀太
祖生洛陽夾馬營張洪雲谷雜記及孫公談圃
亦云而釋文瑩玉壺清話并載夾馬營在西京
太祖兒時埋一石馬於巷內登極後還鄉掘得
之登臺發矢矢落處卽營爲永昌陵而以石馬
預誌其地是夾馬營在洛陽此地特名偶同未
可牽合又楊誠齋揮麈錄謂南京應天寺本後
唐夾馬營大中祥符二年以太祖所生地建寺
錫名云云其說稍岐然宋南京乃今歸德府亦
非德州地也詩以正之

德州城南地如楮河畔有營名夾馬詩人曾賦宋遺墟
謂是發祥丹陵野我聞藝祖生洛陽紅光燭天騰異香
御極歸來謁桑梓舊埋石馬猶舍旁戎服登臺射弧矢
矢所落處昌陵起千秋魂魄依故鄉不比歌風悲沛里
是知生葬皆西京莫向平原覓遺址豈煩雞犬新豐移
肯使樓桑敵境委隔河雖是遼提封其時耶律亦正雄
君不見乾柴人烟讖終驗熱鐵翻餅語竟空病龍臺邊
返車駕拒馬河上棄甲弓闕收飛狐復被陷城見掘蟹
旋罷攻由來燕雲氣尙隔天之所限人無功陳橋戴後
削僭僞已并諸國宅土中封樁庫擬換幽薊志豈一日
志混同漢高亦未殄冒頓寧遂因此虧英風不揣時勢

輒懸斷母乃目曉論未公先生登高故能賦懷古情深
動遐慕爭墩偶忘謝公先疑塚幾被曹瞞誤才人往往
好逞才得題不暇攷典故

分水廟

分水廟前打鼓開建瓯南下疾如雷來船莫訝順流便
昨夜也從上水來

舟中贈楊奉周儲玉兩孝廉

長途千里滯關津賴有朋簪共夕晨檻外汶流歸棹水
尊前吳語故鄉人同猜闕字停杯緩未了枰棋剪燭頻
記取生平素心樂一船風月對連旬

下相懷古

客行馬陵道訪古下相里一片川原接芒碭傳是項王
舊桑梓當日漢帝過沛宮空縣父老迎歌風淮陰徙封
王楚地千金亦報漂母說丈夫富貴歸故鄉輒有佳話
垂聲光滅秦衣繡束還日此地想應多故實舊交入座
歎夥願宿怨到門懼行膝胡爲遷史無一字得非身敗
事亦軼要之成敗何足論劉項曲直公道自在人鴻門
宴縱其身鴻溝約歸其親大恩乃反以仇報平心試問
誰不仁不仁者興仁者滅三代變局從此新一事還堪
傲漢主虞兮能死帳前舞笑他萬乘一戚姬畱作厠中
人毓苦何況漢社久已墟重瞳英風尙千古然則漢未
爲得楚未失魂魄不須悲故土

尹制府幕中題袁子才詩冊

好詩到手耐頻繙
花色冰肌雪月魂
今日藝林談此事
教人那得不推袁

曾傳麗句想風流
今讀新詩筆更遒
始歎知君殊太淺
前番猶是蔗梢頭

只因書味夙根深
拚把微官換苦吟
千古傳人可傳處
元來別有一胸襟

狂名狼籍大江東
謝傅憐才意獨鍾
讀到新詩鱗爪見
方知不是葉公龍

淮隄

十里長隄柳埤斜
湖河交匯水無涯
濤邊萬戶樓如展

井底孤城甃有蛙
難向魚鹽招隱士
空聞雞犬到仙家
是間何處堪垂釣
市上方多惡少譁

夜宿瓜步書示老僕

京官過揚州例必謁
離使爲分牢盆餘足資
旅棗匱其始朝貴人挾勢
以取利迨夫利權重利在
轉成勢遂令播紳流俯首
就銜轡沿門拜富兒區區
覬子界寧同縞紵投徒受
擘蹴意我行到邗江懷袖
本無刺后土祠一遊平山
堂一憩扁舟連夜發江干
正熟睡忽聞老僕言主人
太失計爲客五六年旅食
憑煮字曾無錢入囊但有
文滿笥茲行將抵家八口
方待餽眼見一入門卽當
典襪被染指倘弗嫌纏腰
或可冀過屠不一嚼謀生
詎

云智嗟我豈好貧矯情托高致果有謝仁祖不妨拜其
賜郝超辦裝錢送我亦弗避瀨女殮可求漂母飯可寄
否則歌姬院乞食又其次若彼多牛翁薰蕕臭本異何
至覩面目向其丐餘漬彼僅一毛捐我已全壁棄書生
鍊骨力要在取子地

遊金山寺

江帆曉趁順風開小試中冷水一杯落葉漸多秋正老
青山無恙我重來赴齋鶻鵲摩空下聽法魚龍戢浪回
欲禮高僧無玉帶空留詩句妙高臺

抵家

扁舟到家日薄暮燈已燃火門尙開一肩襆被入門卸

天涯浪跡今真回老親不意遊子到驚喜翻恐昨夢來
趣呼廚頭速炊黍一語未畢又屢催不冠而揖有兩弟
几榻拂塵堦掃苔山妻攜女出相見女未識父猶疑猜
斯須剪韭列寒具濁醪過壻注滿醉未忍遽言艱苦狀
爲我軟腳勸舉杯亦有鄰里來問訊齊東野語爭喧歷
眼前風味總可喜六年拋却寧非歎回憶孤蹤浪遊處
懷鄉日日腸暗催豈期闕國有今夕扶侍肩壽攜嬰孩
人生信有在家樂蓬茅終勝馳風埃但得山中白石煮
何必案上黃金堆

哭杭應龍先生墓

漬酒那禁涕淚俱死生曾不待須臾我歸但有徐君墓

公在會憐趙氏孤
奔問已悲新宿草
酬恩空托一生芻
依然牀下梁松拜
無復溫言誨座隅

長壘鄴前卽墓川
華術對宇故依然
翻成處仲經鱸地
非復龐公上冢年
里社頗悲耆舊盡
姓名當以隱淪傳
曾聞送葬新阡日
多少鄰春咽暮烟

回首湖干送別時
寧知後會遂無期
一杯未負侯芭土
三尺猶虛有道碑
此世更煩誰作誄
當年曾愛我吟詩
塚邊一掬傷心淚
滴到重泉可得知

晤黃季游文學

素髮明於雪
窮經力尙堅
老真鄉祭酒
健比地行仙
世已輕前輩
吾猶及此賢
莫嗟身隱約
耆舊傳應編

垂楊

垂楊依舊捲窗紗
簾幕無聲但日斜
小杜去猶非綠樹
前劉來已失桃花
紅船柱自思公子
碧玉仍憐嫁小家
彈指鴻泥成往跡
蕪菁香裏飯胡麻

花燭詞爲沈佩蘭秀才作

午夜三霄壁月新
天孫今夕渡銀津
老顏擬作填橋鶴
判得頭童惹鞦韆

記得歐陽佳話無
大姨夫作小姨夫
定知相見非生面
玉鏡臺邊喚老奴

年少才名擅一時
美人未嫁已聞知
進門要試吟紅筆
先索儂妝百首詩

銜璧金缸賽夜光
流蘇聲裏見紅妝
一言要嚇他良會
今夜河魁正在房

敝廬將圮稍事修葺詩以落成

敝廬風雨久欹斜
稱貸聊完壁立家
魯府依然仍舊貫
于門詎敢輩高車
逢迎畧有三三徑
頃刻何須七七花
所慮債家來剝啄
尙無臺可避喧譁

隙地何曾拓數弓
編茅早課索糶功
客途久厭三間廡
僦行原尊一畝宮
陋稱單瓢居巷內
貧真樓閣造空中
只愁斷手無多日
又向天涯作轉蓬

丹徒江郵宗老采同邀食鮒魚

魚形如刀厥名鮒
當春作隊乘江濤
我家距江百餘里

越宿始到需冰韜竭來遊江干宗老治具饗老饕漁師
網未舉主人釜先熬待其出水便入庖可憐銀鱗自珍
惜有如禽鳥愛羽毛入網猶恐或觸損條條僵臥不敢
跳平聲澹青如卵色無煩井華淘遲則變白味漸失乃知
向來所食一似飲者但餽糟斯須登盤截寸寸滿盤瑩
潔流香膏襯以黃芽韭糝以青蕺蒿對此那禁唇舌
所嫌骨鯁密如蝟深愁入口費剔搔秘計忽以舌橫卷
芒刺弗復畱分毫捷於分水之犀角銛於切玉之昆刀
主人大笑非客巧乃是厨娘烹餽手訣高文火武火候
極熟肉已脫骨無黏牢客聞此言良有理不暇致謝中
饋勞爽筯如插篙師篙一尾魚一杯醪沾醉不覺成醜

醜六年久不嘗此味過屠大嚼真奇遭何必鱸四腮何
必鱓二螯他年歸田專爲口腹計定須卜築來江臯

岡山爲張世傑戰敗駐兵處

碇江戰敗火千重退駐寧同扼敵衝此日并難收白鶴
元人獲其首
鷄籠七百前人猶擬擣黃龍運殘疆圍危碁累力盡忠良

捧土牽回首金山桴鼓在曾令強寇避軍鋒

將入都爾別杏川白峯震峯諸同人

釣遊蹤跡悵難分攜手河梁對夕暉貧爲一官拋好友
去猶連日飲諸君歸期敢待成圍樹浪跡殊慚出岫雲
今雨長安縱徵逐共誰樽酒細論文

登金山塔頂放歌

生不能挹浮邱袂拍洪崖肩又不能隨列子御風行冷
然黃塵蹴躡日奔走安得矯首凌雲烟我過金山凡五
度昨歲始一登又逼白日暮不及憑高暢遐顧今朝乃
到浮玉之頂來遊目四屬心爲開寥空飛鳥盡在下青
冥誰掃無纖埃不知上距大羅天邊尙幾里但覺繁星
磊落可摘三兩枚海門東去望不極混茫一氣雪浪堆
此中卽是瀛洲方丈兼蓬萊尻爲車兮神爲馬忽如山
僧出定遊九垓回視憑欄之我但肉胎臨江下瞰復殊
狀塔身如臥江濤上倘逢罡風獵獵吹我落不免竟入
魚腹葬振衣忽長嘯平生空負狂五嶽未遊一遇險心
已惶何以更向蓮花峯頭挽鐵索天台山上度石梁不

見古開士懸崖撒手凌蒼茫浩歌未終日將夕闔黎邀
我飯香積半龕夜借蒲團眠滾滾濤聲撼枕席腳力已
盡興轉雄題詩驚破蛟鼉宮聽取天雞鳴時擬再上要
看五更日出扶桑紅

江上逢歸鴈

幾點春雲鴈北飛首塗故與客相依渡江一樣從南去
我是出門他是歸

漂母祠

淮陰生平一知己相國鄉侯而已矣用之則必盡其才
防之則必致其死何物老嫗偏深沉能於未遇相賞深
吾哀王孫豈望報此語早激英雄心布衣仗劍試軍職

寧但重瞳不相識，將壇未築官連敖。劉季亦無此眼力，
何況區區亭長妻。固宜薦食私鹽蠶，客來轆釜似邱嫂。
飯後打鐘如闍黎，獨悲淮陰奇才古。無偶始終不脫婦，
女手時來漂母憐。釣魚運去娥媼解烹狗。

戲題汶上旅壁

征途日日轉勞薪，偶見天桃始覺春。滿面黃塵投旅店，
一羣紅粉看詩人。梁炊久醒游仙夢，花落難沾學佛身。
爲語纏頭無長物，或將好句寫羅巾。

曉行

野店餘殘拆荒郊，已展輪曉星明似月。古堠立疑人郵，
暗猶無火風微未起塵。擁衾三十里，味續黑甜淳。

阜城咏古

驅車曉過阜城路，偶翻逸史徵典故。當年曾出兩僞朝，

楚齊先後建國步。

宋邦昌劉豫皆阜城人見岳珂程史

邦昌受冊權一時，終迫

羣議未踐阼，六等定罪尙可原。其死乃以官掖污豫也。

叛奴警故主，公然牧馬向南渡。未幾被廢遷臨潢，故里

枉稱御莊舖。

地有御莊舖程璜按詩居人不曉到耶爾猶把亭名號御莊

傳聞崇寧全盛時，此

間王氣鬱盤互。詔斷支輦殘地脈，逾年漸覺晦如霧。後

來二豎皆不終，或亦幾先敗厥祚。斯言父老今猶傳，我

思其故殊未然。秦皇曾整秦淮水，擬洩靈孕堯山川。黃

旗紫蓋翻作讖，六朝割據三百年。拓跋欲厭壺闕氣，親

巡上黨盤游收。豈知高歡來駐旅，一戰遂削霸業偏。金

源亦碎蒙古石作瓊華鳥徙置燕一朝元祖入定鼎其
鳥適在禁籞邊從來王霸關天意水土安得司其權得
地若便可僭竊是謂有地而無天君看一豎忝高位國
難不扶反自利已無天理一稜存地縱不殘豈成事我
來時正值昇平往日妖氛久洗清但覺桑麻景象好實
圖三輔拱神京

白溝河爲遼宋分界處

十六燕雲迴畫輿高秋士馬各邊防遂分中土方輿外
此亦前人臥榻旁事去千年無壁壘時清一水有橋梁
只餘史冊交兵迹剩比鴻溝記戰場

樓桑邨

桑蓋童童已古邱英雄氣尙且千秋敵強終造三分國
士少能臣第一流長坂安行真大度益州斃取亦陰謀
獨憐故里終拋棄不及歌風柿止遊

曉起

茅店荒雞叫可惜起來半醒半懵騰分明一段夢人語
馬嘶殘菊鼠瞰燈

甌北集卷四

起乙亥六月
至丙子四月

陽湖 趙翼 耘菘

平定準噶爾鏖歌

皇威遠播狄鞮長數月神兵定朔方特與輿圖開絕軌
祁連山外總周疆

兩路分兵擣漠中聞聲誰不啟關通 王師到處無攻
戰閒挂天山百石弓

馬前隊隊乞降人臺璣酌漿拜路塵幕府聽宣

天語訖齊聲說作

去聲 太平民

追奔連夕走驂駟渾脫爭泗水尉藍今夜伊犁河北去
真看北斗在天南

前哨銜枚去，斫管格鬚山下。虜背驚虎頭，番將渾身膽。
甘騎摧他一萬兵。

縛得單于絕塞開，累朝故事遍緡來。直從韻利成擒後，
千古邊功又一回。

袞鷲酬庸錫上尊，還開優賞徧軍門。陰山六月天方雪，
一日齊歌挾纛溫。

尺一纓頒大雨行，爭傳解澤潤衰羸。頌詔曰大雨那知

聖主斟元化，手挽長河爲洗兵。

突兀穹碑勒上庠，龜趺螭首拱

天章。橋門舊有岐陽鼓，籥篆從今不敢光。

塞垣不日整軍還，壯士長歌入漢關。笑把赫連刀自洗

翻嫌未帶血花斑

戴琬草根鬪蟀圖

戴嵩畫鬪牛尾不縮股牧童笑黃筓畫飛鳥頭足並展
弋人諺乃知體物未甚精名手往往失其名何哉此圖
兩蟋蟀意態都從拗怒出其一剔疾性命輕雙股屈鐵
作力勅陣前聞罵周陽五單騎突出誓捉生矯如秋鷹
掣韝去落處定有毛血驚其一蓄勢伏不動側腦凝眸
伺鱗縫高懸城孤堅壁守楊劉渡險夾寨控偏於靜若
處女時陰鷲已具脫兔用蓼花根下雄二豪赤身搏戰
無弓力一手掌地殺機起天色慘澹風蕭騷豈有封侯
到處達爲誰博進爭功高畫家九朽始一罷如此寫生

孰方爲豈曾諦視。金盆或半開。堂翫清暇。全神注入
蟲身中。不覺蟲我兩俱化。何異龍眠李伯時。馬腹投胎
情不怕。戴生供奉宣和中。臂脛曾封御筆紅。當時真跡
已難得。何況流傳到今日。鱗魚口裂古絹紋。更非臨自
他人筆。珍藏函入枕函秘。還恐夜深喧窸窣。

奉賀大學士海昌陳公移居賜第

槐廳賜近五雲旁。新築沙堤一道長。恰似移家光化里。
不須治第集賢坊。舫齋畫靜名花燦。書局風清古墨香。
身任棟梁公已久。故應佚老有華堂。

後樂情懷老未刪。肯徒晏坐愛蕭閒。循墻彭裏人三命。
廣厦胸中士萬間。方做處堂嬉燕雀。豈須隨地有溪山。

緣知仰屋思匡贊報國逾催兩鬢斑

劉穆庵詩讀見余近作枉贈佳章依韻奉答

與君一別兩年過譽我何當溢美多少不如人將老
大才原有限况蹉跎踰淮橘恐根將變弔劍磨
斷墨杠磨出手詩篇蕪陋甚豈堪研北費吟哦

寓齋迴憶共論文風雨聯牀到夜分得句亟催連夕和
每談必過舊時聞螢身不照須彌頂鳥跡終疑响雙雲
筆陣舌鋒堪一笑魯連終未却秦軍

余與客若耶與君辨响雙雲
神真履及首榜嚴毅落每

至夜
分

枉將辛苦學虬翰閉戶窮經願每違漫擬莊嚴千佛塔
尚慚補綴百家衣鞭長難護楊雄詭擬短方思董子難

旅邸喜仍鄰近在可容整壁借餘輝

汪幼泉民部新闢書室招飲索賦

一龕新構讀書堂人海中間儘可藏
塵尾蕭閒王謝物
燈睂古雅宋元裝
書成例理干鈞力
捧出諭麋百和香
風趣似君真不俗
韋經家學味原長

旅邸相依歲幾更更無形跡間交情披帷一笑人斯在
看竹頻來主不迎
毋陣轟催浮白捲手編精校殺青成

時方編司
空歸集

應添此地聯牀話我本道門老弟兄

觀夢要二首

幻戲

飛鳥作鳧石成羊
塞驢摺疊收巾箱
古來仙人往往弄

狡獪豈知能事乃竟出馴僮躡而向客露禰禰此中安
得複壁藏妙手空空向空撮斯須現出般般活騰瓶風
毼花霏香薨盪泉清魚咬沫或設有核釘盤區巨棗如
瓜藕如雪觀者不知何處來傳有鬼運如輿僮問渠擅
此驅使百靈訣何不搬取劍山奪金穴竊鈎應可積滿
窳朕棗不須持寸鐵答言此技貽自漢左慈非已所有
莫致之乃知雖具神仙彈指術只供寒乞餽口資

象聲

春山畫眉一兩聲開關百轉多新鶯枝頭凍雀啣曉晴
呢喃燕語圓而輕復有格磔無數鳴聞者疑入深山行
豈知乃出三寸不瀾舌頭使庭齋髮巖穴忽焉荒雞膺

胸亂柝喧深閤夢醒翠被濕根燥不防耳屬垣但見滿
堂坐客悄然靜聽俱無言神哉技乃至乎此信有繪聲
工繪水偃師之舞優孟衣不遇以目遇以耳得錢歸去
矜擅場沾酒不惜傾其囊笑語妻兒吾吾在何必彈絲
吹竹調宮商

元日早朝卽輸直內閣

千行鷓鴣集初寅肅聽鳴鞭拜舞勻玉燭星雲三殿曉
珠杓雨露九天春笙歌響入和風度旗幟光涵旭日新
朝罷獨趨輪直地早欣發筆寫恩綸

紛紛冠蓋日
元春獨在
采霞
博不
華
黃
長
遙
聞
三
部
伎

御香猶繞五雲車筆端詩句珠爲噀
天上樓臺玉作

家心跡雙清誰得比風流應付畫家叉

初二日大雪寓齋夜坐有懷耐亭用東坡韻兼索
同直賀舫奔錢敦堂同和

把酒方期候月纖忽看雪挾朔風嚴臥袁門外無今雨
歌鄴場中有昔鹽頗稱清言罪玉屑何當白戰比風簷
素心偏隔過從跡歎息鴻泥指爪尖

紙窗岑寂自塗鴉未駕西郊轂舳車影傍宵孤燈不穗
夢經寒歷筆無花閒輸潮岸騎驢客遠憶江郵賣酒家
白戰詩成慚未好諸君莫惜手同叉

題肅本淳化帖

淳化天子盛文物愛古墨寶勤搜羅摹之秘閣棗木板

侍書王著精編摩世惟此帖刻最古亦惟此帖刻最多
當時禁本已難得潭州絳州石各磨泉汝臨江利州路
後先鈎勒校礫波紹興又鑄國子監神理漸失招詆訶
何況近代屢傳刻一佛化作千百魔譬如畫家寫生法
須見美人描翠蛾後來人去但畱畫翻從畫裏求娣娥
曷怪形存意態失甚或新婦變爲婆俛僂索然生氣盡
劣到假面方相儺此本傳自明肅府憲王跋尾無消訛
明祖當日封愛子鈔鎮國寶傳山河龍膽壺搜碧滌島
鳳喙卮採丹山阿就中銀錠帖第一垂之竹矢兌之戈
錦暉繡褫白玉匣重途介圭綠緞縞文孫雅意惠來學
妙選賓友相切磋百四十四富平石鏤成肥瘦心子和

太史紙刷幾笏蠟君房墨碎千丸螺幅完善應繼定武
字秀勁豈論頭陀中藏筋骨有盤鬱旁出鋒穎無沓拖
大壑泉奔渴駢驥新劖劍斫生蛟鼉古意尙可燈取彪
成法未煩斧伐柯較他裝潢硯洞物相去奚啻莢稗禾
傳聞平涼昔叛亂欲作礮石守賊窩有偽官以詭詞對
得免迸落荒山坡始知名蹟良足貴雖非文士亦護呵
緊余臨池學故淺空買石硯研灘哥忽購得此喜過望
晴窗一日三摩挲警擗不辭揩眼暗畫肚時復坦腹蟠
追摹鏤鈔透側理展拓筆力書擘窠所嫌腕弱但塗蚓
敢謂墨妙堪籠鴉數典聊爲誌緣起傑句殊愧石鼓歌

戲贈王露仲舍人

年少才名迥絕倫况如騎省好風神孟陽甚欲同車去
只恐招他撈瓦人

次韻酬袁子才見寄之作

單脫朝衫作野樵雲煙滿塢養心苗才名未肯將官換
好句還應仗福消技有臭傷非郢斲音無肉味是虞韶
何當一訪隨園去鴻爪雙雙跡互標

顧襄臣秀才自津門過訪

百里津門碧水隈相思常擬權沿洄故人恰共春風到
冷宦惟餘舊雨來童律文章慚退筆僧寮燈火記深杯
與君異姓爲昆弟一握能無笑口開

記庚午春
天津試事

贈耐亭

長安名士多於竹，徵逐名場車擊轂。嗟我迂拙百不交，獨愛虞山邵老六邵君。才望不可當衆鳥叢中，一立鶴

頭龍季虎耀門第。

君兄弟皆翰林

百賦千詩森卷軸，蓮花如面更

風流不枉人間六郎目。我才鹵莽不適用，塵羹塗飯漫撈漉。兔園數冊郵學究，牛角一編老耕牧。勞薪斷軫音帶焦，退筆作花穎。愁禿較量事事不相敵，高下豈但山與谷。一朝忽作莫逆交，傑直省垣日相熟。不嫌牛驥同櫪槽，旋更蚯蚓共頭足。偶論文藝輒移晷，每和詩句必累幅。三日一面猶嫌疎，中間時復共一宿。同牀直欲禁各夢，噴飯何妨笑捧腹。舌本時吐成瀾翻，裏旗欲藏無壁。覆屈指生平素心，幾不得不推此君。獨吁嗟乎人生

得一好朋友交事亦關命宮福平時索居寡所諧只把
古人對面讀呼之不出招不來掩卷蒼茫時一哭無端
投契得佳士從此人間有追逐且糴太倉米五升更覓
滄洲酒一斛時赴邵老同襟期倚醉高吟聲撼屋

戲書周小史扇頭

年少周郎二十時藐姑冰雪見標姿祇應明月梨花夜
晏坐凝香對奕棋

出山泉去滿山空寂寞鴻都第一宮五百仙人齊悵望

樵陽館裏失金童

郎曾爲道士

不煩京兆畫來勻蛾綠天然秀可殫稽史倘增新樣子
江南一角遠山痕

一串歌珠字字圓何當來伴柘枝顛子淵近有新儻約
不許牽牛下聘錢

園居七首

少小愛林泉願深力未遂必待買山錢始樂伸長志自
顧此腐儒爲期恐猶未竭來尙書塢一龕得高寄平池
涵碧虛層巒聳蒼翠主人力勤勞徧直承明地晨出暮
始歸弗暇享清闕一笑落吾手客乃居主位似乎造園
時已預爲我荒盤績蟹有匡古原有此事

人在積氣內如魚在水中一呼一吸間息息相流通所
以居此身須遠垢穢蒙六街車馬地路塵如飄蓬獨茲
境最清豁然隔霧縈濃綠書陰陰飛翠朝濛濛涵煦於

其內心神爲之融始悟學道人必住深山空

微雨過林端楚楚出新碧端居靜無事卽景偶尋釋窗
前無數花一時齊副坼同是一氣發胡爲異紅白蚊蠅
本化生非有卵與核胡爲年年化形質不改易燕蝠同
其類何乃殊且夕雀蛤判其族又何互體魄芸生信蕃
變物理渺難格但覺化工妙觸處皆奇迹

有客忽相過攜手山之巔清風何處來衫袖爲翩翩藉
草坐嘯咏山山綠陰連空翠不可攀三覺凌蒼然好鳥
時一聲啼破深林烟坐久屢移晷岩旣淪新泉文楸一
局棋相對樹影前牆外有見者共驚爲神仙

澄泓曲池上最好朝氣清其奈睡起遲日光滿池明烟

痕散樹色露華晞荷英惟見數游鯈唼鴨水面萍蘆景
倏已失頃刻不可爭平生性耽懶萬事落後行尋樂且
如此何況功與名

無功記醉鄉子瞻記睡鄉二鄉並佳境畢竟何者良我
飲慚小戶涓滴便發狂不荷劉伶餽惟得希夷方背癢
如有期午輒思偃牀似醒非醒間神魂澹悠颺翻覺漆
闌叟化蝶多一忙頻申睡起遲餘甜味猶長乃知古人
語高臥稱羲皇竟合廢麴蘖來共炊黃梁

今我所居堂昔之藏嬌院有客戲語余惜哉今不見笑
謂客何愚代序去若翁使其猶在時紅顏亦已變皤然
春夢婆君將睡其面否則婢娟姿慣侍黨家宴見此窮

措大亦豈有餘戀不如卽目前行樂隨所便名花與異書十倍美人艷

金魚

漢唐以來無金魚有之實始北宋初六和塔下逐臣咏子瞻繼往投齋餘

咏之自蘇子美如見吟齋後語

此地何年移種至大者尺

餘小寸計軀分赤黑尾單雙多少漁人擅其利種方豈本龜蒙經飼法如工馬廐藝凡魚無不愁遭烹爾獨以色榮其生極目未識江湖樂托身徧傍几席清碧玻璃盃一晃漾金光閃出紅霞明夜分更映燭輝徹隊隊活影浮空行爲得主人意矜寵自覺文采超羣英啜泉如賜仙掌露得餌擬餐大官羹居然品格日驕貴奴隸勸

鯉儕鯢鯨噫嘻乎爾魚且勿誇得地母乃專憑色取媚
爾不見蛟龍豈以鱗甲竒出能爲國甘霖施斯須慰滿
蒼生望旱苗枯卉皆華滋不然碧海遊汗漫詎肯供人
作戲玩

裴少宰師寓園新葺樓居奉題二絕句

層簷高敞欲凌虛
鄰架圖籤杜庫書
共說先生有仙骨
故應天半結樓居

結構居然萬斛舟
錯疑思曼陸居浮
南風六月濃陰裏
四面松濤作海流

同耐亭郊行

草綠裙腰到稷長
相邀勝侶去尋春
波空有影凌羅襪

塵軟無聲碾畫輪柳絮前身原蕩子桃花對面有佳人
誰知袞袞長安陌着此蕭閒兩角巾

題百體壽字

昔人造書本物象仰觀俯察皆師資自從鳥跡興思後
依類肖形日漸滋垂露偃波取殺列鵠頭虎爪倣走飛
錯刀懸針罷什樣轉蓬倒薤草木姿以及星雲禾蕤穗
麟鳳鼠兔蟲魚龜西秦八體漢六體倚撫未備多闕遺
韋仲審定九十一功曹九法更益裨自茲百體有成數
合寫實始庾元威采盡各半妙結構屏風十疊光陸離
當時未作稱祝用但供玩賞後幃帷此幅何人所撮輯
一壽字以百體爲旁搜廣撫極繁隨爰歷倉雅靡不覩

秘刻窮探舊碑碣竒歎遠攷古鼎彝就中亦有杜撰筆
世無可證聊相欺森列素紙徑八尺整妮不用闌鳥絲
或莊嚴如聳樓閣或屈曲似盤蛟螭或襴褌開金翠羽
或婀娜搖琪花枝巧製古來未經見文房譜系罕及之
相傳前明張御史名致見謝
楮小品得自涓陽舅氏貽邇來臨本
漸傳播多取吉祥介秀脗我笑掇拾猶未廣額限以百
嫌畫雖世間若有百歲老將此持贈定不怡曷弗兼收
到近代更復旁索及遠夷君不見契丹損隸神冊製金
源倣楷希尹垂西夏番書創國主蒙古新字造帝師其
他羌戎代木刻驢脣蝨吒咸紛披浮提幻人壺貯墨婆
羅字母音貫辭佉樓剌畫演貝葉勃泥進表寫木皮白

善粉描甘字智精鑿刀鏤馬八兒詰曲舌人說不到龍
鬼八部能通詞是皆博學所不廢勞行左轉各異宜編
摹尙可數十種增補壽數逾期頤生綉丹碧排磊落傳
之藝苑亦一奇

題畫

沿溪一茅齋老樹出屋頂采藥人未歸野鷺踏孤艇
秋水渚蓮落殘夕陽沙鳥飛去漁歌欸乃一聲人在蘆
花深處

薄暮蕭齋下高人相對間夕陽紅不盡楓葉滿空山

甌北集卷四終

甌北集卷五

起丙子
至丁丑

陽湖 趙翼 雲松

軍機夜直

鱗鱗駕瓦露華生夜直深嚴聽漏聲地接星河雙闕迥
職供文字一官清蠶箋書剪三更燭神索風傳萬里兵

時方用
兵暫

所愧才非船下水班聯虛忝待承明

清切方知

聖主勞手批軍報夜滯毫錦囊有策兵機密金匱無書
廟算高樂府佇聽朱鷺鼓尙方早賜紫貂袍書生牯筆
斷何補不抵沙塲斫賊刀

下直同散田秋帆諸人郊行卽事

油碧車輕度軟紅看花喜有素心同一春晴雨常參半
三月寒暄最適中芹沼泥融銜燕子柳塘水漫浴鳧翁
清遊不在彈章例莫便驚他御史聽路過巡城御史故云
雨過青圻淨翹塵出郊人馬共欣欣班輪復日餘雙日
春已三分過二分蝶趁衣香芳草路鴉銜祭肉夕陽墳
郊行景色真堪畫只少擔簦一老軍

遊檀栢寺

蓮漏聲中轉六時山房春靜日遲遲龍妝老叟時聽講
鶴被仙人每借騎礙石竹多旁出筍交柯樹似寄生枝
何當結夏來趺坐清簾無塵一局棋

紅塵斷處有烟蘿泐水溪雲另作窩佳境每難題句好

名山偏是住僧多，幾雙蠟屐懷遠集。一領藍衫唱采和。
棕拂蒲團，閉省記前身似作此頭陀。

題美人春睡圖

海棠春暖正微醺，午睡聊收繡線紋。香篆碧縈魂一縷。
枕痕紅透肉三分，畫師何處窺曾見。侍女私相語弗聞。
且莫真真喚名字，夢中或已去行雲。

出古北口

鎖鑰憑天險，因山成壘成。千盤蛇陣勢，十萬馬蹄聲。隘
比函關扼，危如劍閣行。時清無警備，不用怯長征。

青石梁

整翠開馳道，摩雲有石梁。路需梯設級，山似劍排鋸。絕

塞射鵰手深林
駭虎偃憑高
攬形勝秋色正蒼蒼

山田

谷處田畦少
刀耕徧土岡
植偏宜燥冷區
不計圓方苦
旱澆憑雨防
寒種向陽滿
箒應報汝瘠土
最民良

木蘭

形勝輿桓壯
虜龍左界偏
芻蕘靈岡啓
羽獵上林傳
境是無人處
天甯太古前
風雲千嶂合
霜雪九秋先
花草無名字
川原絕火烟

木蘭內無用處

孕孳蹄角富
僮俟友羣連
獸

簿書難盡魚麗陣
可聯周陟歸
禁籞脫稱遊
收地紀

諸番獻

木蒙古地康熙年間獻爲圖

人供大獮皮
千三百騎集
四十九旗

編塞上蒙古編四十九旗
歲出千三百騎士打圍

屬國東西尉
名王左右賢
軍容分

際肅殺氣合圍填較獲量山谷頒鮮論韓肩祭緇原古
典表貉寓兵權悉率兼戎索來同陋甫田黃圖仍近甸
紫邏接遐邊冠從叨榮遇慚無五柞篇

登畢爾哈爾巴齊達巴罕

清晨緣施上到頂已斜暝回看下方雨却迷來處雲路
如蛇不斷人似蟻成羣小憩盤陀石勞深覺易欣

巴顏溝大雨梅秋埃舍人馬爲雷擊死歌

巴顏溝前雨浩浩沒骸泥深一尺潦發雷脚底忽然鳴
怪事都官馬僵倒此馬隨君到甌脫人馬共命冀相保
凌晨渴飲長城窟竟夜披走塞山堡一束芻草啖地黃
三品料孰飼脯裘未有錦鞵橫腹腰也無金羈絡頭腦

行步甘讓鮑曉工冷遊每愧陸驩好驚駘名任葬蟲呼
斑駁身同頰魴稿悲來還作伏櫪鳴倦去自嗟識塗老
禿尾已幾似叢篔亂繫不剪若蓬葆終日骨立峯峻嶒
有時足蹶確春擣猶然蹶躡爭跋貓未敢踉蹌效噉蚤
戀棧雖受罔師憎銜檄寧教主人惱不知所坐是何罪
乃煩霹靂速誅討世間何限剛惡駒豈駕跣地逞雄燼
披不受殃此遭禍此事殊亦欠分曉得非兩師亟行雨
借之乘雲向蒼昊豈知此馬非駁物那得排空疾如鳥
若使竟教衛公騎不免累及龍宮媼出門想犯壬申忌
卜日定欠戊庚禱耐鞭忍挾甘服勞不料尙遭非命天
歐醫相視難下藥騎奴竊喜免剝草死骨敢冀懸購金

做帷并無渴葬藁銅鏹窶子果腹饒玉爪飢鷹啄肉早
熱風吹定聞狗臊赤日炙應作魚鼈活時只值數百錢
生死同價何足道獨憐吾友倚爲命晨調轡銜夜巡阜
鞍瘡淺深常撫摩豆粳多寡必稽考一朝如蟹失蛩蛩
淚落殘芻痛懷抱躑躅自笑無脚蟹奮飛仰羨肅羽搗
駒轅誰與贈脫驂蟻封徒惜親教駢會須短策跨蹇驢
羸得人呼瘦買島

山行

青山紅葉晚秋天溪壑生平得少緣老樹自燒根出火
斷崖被嘴石穿泉境難畱處惟題句人未來時或有仙
歸語妻孥莫相勞此行也勝剡溪船

大獮行邊輦路清塞垣風緊峭寒生九天秋肅貍劉信
萬帳宵嚴虎衛兵上駟別羣棚烙字頭鷺驗獲箭書名
太平肄武軍容盛雙纛黃龍嘉幔城

路入周陸水木華茸茸軟草不飛沙地包邊塞逾千里
人集華戎共一家衛士割鮮燒楫柎名王行炙奏琵琶
盛朝校獵成年例石鼓岐陽豈足誇

扈從木蘭途次雜詩

少小生江湖未嘗習騎射一官忝樞曹秋獮得扈 駕結
束服袴褶經營具鞍靶跨馬出嚴關百里爭一瀉時還
亂流渡或馳峻坂下藉草爲重茵列帳作廣厦居然幽

并兒據鞍忽自詫

峩峩南天門巖巖古北口一髮通番落罔辯互環紐當
其扼隘處兩馬不容偶胡爲明中葉往往敵騎蹂瓦剌
僅餘孽彘顏亦小醜筆策時一鳴空壁輒反走當時諸
將帥守關者誰某我朝溥德威地盡九垓九保塞諸
蕃戎弭帖如畜狗方供使臂指寧煩顧腋肘在德不在
險古語良不朽

言入木蘭道極目無人烟鴻濛關不盡畱此太古天萬
山互盤紆重重相鈎連不知幾千里疑到天盡邊我行
蒼翠中恍覺非人間迥巖發高雲幽壑鳴流泉誰信區
脫地清景爾許妍聞昔本戎落處處列幕氊輪誠徙游

牧獻作周陔圓山川真面目遂乃現其全山靈如有知
應慶遭際緣

午正趣

入聲

安營幔城宮殿肅斯須城外地萬帳一齊轟

寧復審向背亦莫計橫縮紛錯如犬牙歷亂若鸞簇其
間往來處百折路迴復黃昏退直歸言尋瓊廬宿鞦韆
纏鞅絆橫斜臥車轂偶然迷失道一迷恐不復盲人騎
瞎馬竟夕歎躑躅

安營無常所一夕輒一徙堪笑擇地者盡力爭尺咫似
欲作世業永以貽孫子輜重未及來爭先佔基址立幟
標四陲務欲恢疆紀畫地成鴻溝分界嚴彼此忽有後
來人闌入欲棲止驚如寇入邊憤如師摩躡奮身起相

抗攘臂誓相死同壤爲仇誓必逐然後已日暮就帳宿
臥席暖方始又欲爭前途棄之若敝屣安肯爲少留連
夜拔帳起

車轂循軌行駝馬銜尾渡雖有千萬隊按程可畢赴湖
爲各爭先凌躐奪前路每當徑最狹趨之尤若鶩豈知
勢所限一束無不佳嗟此阻窒時譬噎當急吐又莫肯
稍退寧可使兩誤勒絆亂糾結輪蹄競盤互相守瞋目
視相嚙沸唇呼可憐先到者躊躇屢迴顧漸重不得來
行李安所措日晡未具炊夜深猶坐露本爲貪便捷誰
知轉遲暮欲速則不達此理竟孰悟

隨營有行市居奇者何人車駝捆載來物以罕見珍一

日長一價炊餅如錢輪酒瓶屢加水菜把須論緡就中
只牛肉價值差平均曰無轉輪費驅而殺其身嗟我雖
老饕觀此忍入脣藜羹脫粟飯聊以度夕晨僮僕竊訕
笑聞之不敢噴

巍巍達巴漢

蒙古語
嶺也

其高不可計百折到其巔自辰已及

未萬馬氣一喘彌天作雲沸捫星仰楸息迴立蒼霄際
却望四山齊翻如在平地平地所來處窪作溝渠細步
移輒換形境變乃易位適從山下觀山凸而上銳今來
山上觀地凹忽下隆一凹一凸間生我顛倒智

冰蠶不知夏夏蟲難語冰豈知一日間四時之氣并五
更起蓐食抗手寒凌兢鼻息結在鬚滿日生冰稜日出

漸回暖吳綿正相仍不覺亭午來歛陽當空蒸隔幕炙
我背力透布兩層少焉夕陽下復趣寒衣增始知乾坤
大氣候各異徵書生坐燈窗寒燠詎足憑冬裘而夏葛
界限徒涇涇

熱河形勝區鬱鬱壯宮殿風雨所和會諸番入朝便豈
惟衆蒙古從獵歲叨宴邇來覲遠夷先後集重趺天馬
大宛徠名刀大食獻皆從萬里外來自効屏翰皇哉大
一統方軌真莫限時會當邇隆盛事成習慣試與披往
籍何代無邊患遠戍疲踐更長征困傳箭乃知今所遭
實千載僅見

言過廣仁嶺是夕天微茫雪片大於掌打我兩頰旁少

焉天將曙清風生虛涼曉色與雪迸晃漾疑月光層巒
疊巖間積素相低昂登高一遐眺自顧驚以惶朗朗行
玉山此豈我敢當得非化爲仙上清從

玉皇路過瓊島身騎白鳳凰

哭舍弟汝明

于役在寒丘池塘夢頻噩到京接家書頓欲喪魂魄初
疑信未真覆視耗已確嗚呼弟遂死慘變良可愕嗟我
兄弟四幼孤泚無托弱冠我授徒館穀僅升脩可憐叔
與季待哺似雛雀惟汝年差長勞瘁不得却家貧難讀
書去雜備保作宵眠獨速衣屢躡不借屨負擔腫到背
奔波胼生脚芻囚收羊供鞭以此犍著沒慄深淖旋卷

舌淒風嚼悲哉同氣中茶苦汝尤劇我時雖客投近不
越城郭爲攜季弟偕教讀課研削無何子季殤已痛一
个弱爰賦遠遊篇求祿向京洛汝年正二十奉母守寂
寞惜別勢益孤居窮境彌惡雖寄賣文錢遲速不可度
吟辦指門戶匱勉措藜藿身如一足夔跼蹐成獨躍客
中每念及汗浹顏面怍浪遊五六載節縮持牡鑰筆潤
趙壹囊銖積陸賈橐前年始南歸團圓引康爵薄田繞
基買矮屋連墻拓兼爲汝娶婦合卷瓦盆酌非曰驟富
豪庶救舊蕭索置酒老母前相顧一笑噓我也尋赴官
俸直入綸閣還擬儲薄俸爲汝生產擴少游守墓懷何
點棲山約庶幾室苟完足以老巖壑孰知遽無祿早掩

一邱貉迴憶孤靈時飄搖燕巢幕今幸比齊民稍識有生樂并此不獲享賦命抑何薄身後况無兒鬢婦奉盃酌此亦未了事不瞑目應罹更愁倚閭人鬢已霜雪鬢垂老翻哭子精神益銷鑠吁嗟乎我生胡爲罹此虐悲來中夜起百感亂糾錯兄弟廿餘年虛作常棣萼生罕同枕被死未視湯藥骨肉有如此曾何異隔膜旅館一穗燈嚴更數聲柝題詩寫哀痛筆與淚俱落

尹望山制府入覲春和相公屬余代作詩相謔公將行賦此解嘲

草檄陳琳半爲人少年口孽積來頻辦香自向公前懺菩薩低眉本不嗔

題王荊臺畫冊

淺草如梳綠鬢絲輕藍初渲隔年杖藜獨步溪橋晚
人在東風二月時

春江嚙孤城畧似潯陽郭千檣候潮信爭向烟中泊一
櫂蒼然來磔磔橫江鶴

熊徑一縷不斷如蛇白雲忽起山腰被遮中有仙源春
水桃花

村屋烟如糝山出雨可犁綠陰深密處定有鶉鴝啼
前溪新漲尺餘渡水一僧失脚松下獨坐晒衣垂頭如
雨中鶴

路從何處入雞犬白雲邊屋似蜂房掛人如蟻磨旋化

人城是幻福地籍皆仙應有丹砂洞將尋葛稚川

一抹閒雲澹遠空扁舟容與靜無風滄江不改春潮綠
已有霜楓一葉紅

涼風颯然來適與滄波遇蒼葭蕭蕭意漸上疎柳樹野
渡空無人孤舟自沿沂

籬邊菊花放兩三枝顧影獨酌寂如枯碁落葉不掃秋
風捲之

危崖如積鐵嶄絕無樵路上有瀑布飛松頂白如鷺
晚照散五色霞寒江剩千尺岸昏鴉結陣遠歸也似鴈
行不亂

山氣曉逾清寒光一夜生朔風吹雪滿老樹著花明巖

角微茫影冰凌
礪格聲渾宜
蠟雙展
朗朗玉山行

元日同顧北墅舍人直宿禁中邀申拂珊京兆劉
荆川侍御陳玉亭員外馮魯巖王漱田梅秋埃

賀舫菴畢秋帆諸舍人和韻

絳殿叨隨待漏班
朝元留宿五雲間
春從天上來尤早
官在年初事最閒
玉瑄音聞仙樂奏
金盤饌出御廚
頒不因保直深嚴地
酬應何由謝往還

西廠觀烟火

晚直郊園月未斜
昇平樂事覽繁華
九邊塵靜平安火
上苑春催頃刻花
跋浪魚龍烟是海
劈空雷電礪爲車
歸途尚有餘光照
一路林巒映紫霞

新得一僕錢姓頗能詩書以譽之

人間何地不生才小史錢郎解別裁紅藥階前掌書記
看他欲並邵方回

匡鼎談詩了了知靈心慧眼少年時笑他白傅空佳句
只解龍鍾老嫗頤

數典居然記事珠便便腹笥笑空疎師丹不怕老多忘
自有隨身行秘書

執經問字辨縱橫講授依然弟子情他日歸田倘扶醉
昇爨煩汝當門生

食田雞戲作

貧官日啣酸鹹蒸忽聞廚頭將割雞亟呼爨婦問特殺

並非羽族鶩鳧鷺乃是一羣脰鳴種縛來輩輩指爪齊
惜哉皮已去青匪黃螭無由稽於焉商食單莖薑萍酒
醯速趁出嫩熱芬烈朶我頤不暇致詰官與私遑問東
行者雄西者雌就中兩股尤瑩潔想因跳躍暢在肢鱗
罄出肉淨無骨雉臆作脯肥不脂此物本兼水陸產固
宜味擅二者奇有客輟箸前致辭此豈足供口腹資其
類雜虺蚓其性汙草泥有時服作白出關彭亨大似董
相臍曾聞長吉食之瘦寧免形如飯顆杜拾遺我笑謂
客不必疑請爲數典語客知嘗攷康成註蝸氏上供御
食始漢時周官蠃氏註云今御所食蛙也并借羔兔薦宗廟丞相擯臧且被
譏粵人更嗜疥滿背相戒勿脫錦襖披抱竿羹成誇大

饗貴過斑鷓玉面狸由來雋味在翹肖何用猩脣糝炙
熊蹯膈君不見鼠名家鹿漬以蜜蛇字茅鱉剔作絲土
筍登盤卽曲鱸翅鰕入饌維螽斯况茲申潔水樂令濟
饑都尉職所司輪困雖同蝦蟇醜孳孕實共鮑魚滋與
其去聒焚牡鞠何弗侑飽炊屢屢如客所言太拘忌毋
乃井蛙之見陋可嗤

偶閱元人吳贊甫集有齋中雜詩戲次其韻

焦桐

煮鶴幾回九淒音按指開依然流水調似帶積薪哀至
美無完嗟孤生有劫灰虧他人爛額辛苦救焚來

蠹簡

書籍渾何味鑽研恐慕名高文咀嚼散疑義穴穿生直
與儒同腐豈真仙可成補亡勞末學共拾唾餘爭

殘書

漫說千年絹丹青蹟漸凋空廚煤尾腎老屋冷風飄寒
具知誰污真容待再描轉深懷古意齋榜欲名蕭

舊劍

爇盡冲霄氣摧藏幾歲年尙鳴孤客畔曾按大王前榻
具徒裝玉鉛刀轉值錢摩挲悲繞指越石感懷篇

破硯

無端驚瓦裂豈擲鄭畋頭圭角身餘幾烟雲氣欲收瓜
分同墮甌黍缺羨純鈎盾鼻差完在無須草檄愁

廢樂

擊燈期吐燄投暗竟何心力已焚膏盡功曾照讀深老
應牆角棄寒伴漏聲沉紅燭誰家院紗籠護不侵

塵鏡

負局人難遇菱花漸掩輝涵空虛者實照影是耶非霧
重着花暗雲深漏月微深閨倦梳洗祇卜遠人歸

斷碑

貞珉原易泐名蹟此偏真缺陷誠畱憾摩挲尙有神銀
鈎安可續玉枕轉嫌新世已稀唐刻何論漢與秦

哭午巖先生

耆舊凋殘痛若何閩天南望淚潛沱功名步似緣樞進

著述身常對墨磨宿望漫推名士重壯心猶傍老年多
劇憐甥館人遙隔執紼無從助輓歌

南天門

峽束青冥上巖扃構次寥天惟通一線星可摘三霄路
鑿鉗椎苦峯排劍戟驕控臨戎索大拱衛

帝京遙狹僅容單騎驅難並兩鑰地形愁倒馬風力稱
盤雕險叶泥封谷危如棧架橋時清無戍壘巖迴有僧
寮捲幔霏空翠炊廚拾斷樵鐘魚聞上界沆瀣吸中宵
雲族漫爲海山支湧似湖平生登覽興我欲馭輪駘

山塢

山塢人家僻居然石隱流燒畝耕用火汲谷飲多瘠保

社常防虎爲農敢佩牛翻嫌太淳樸不識白雲幽

行圃卽景

虎槍

白褂朱纓虎槍客手執長槍等白額長林豐草何處尋
幸其出沒有常跡入山偵視得其處乃伏叢薄密伺隙
數人山後驅虎來虎亦驚走向藪澤伏者挺槍當其衝
人虎此時共一厄注目槍尖不看虎但看槍尖一片白
知是虎膺非虎脊舉槍便刺不更擇虎哮而起死相格
人虎空中互跳躑斯須攢刺虎不支拘怒賫恨洞胸膈
馱歸獻獲 帷宮前臊氣薰蒸血狼籍中涓傳
旨催賜金孔雀修翎長一尺亦有身手遭虎傷重者肢

體輕膚革吁嗟此獸誰不畏乃獨以虎爲職役職虎遂
與虎爭命足徵 國家威令赫豈徒力過斬蛟勇實乃
心比當熊赤以死奉職不敢辭此意真堪使赴敵

相撲

以手相撲名曰布庫卽古角觝之戲

黃幄高張傳布庫數十白衣白於鷲衣纔及尻露襦褶
千條線縫十層布不持寸鐵以手搏手如鐵煨足鐵鑄
班分左右以耦進桓桓勁敵猝相遇未敢輕身便陷堅
各自廻旋健踏步注目審勢睨不交握拳作力筋盡露
伺隙忽爲疊陣衝擣虛又過夾寨固明修暗度詭道攻
聲東擊西多方誤少焉肉薄緊交紐要決雌雄肯相顧
翻身側入若擘鶴拗肩急避似脫兔垂勝或敗弱或強

頃刻利鈍難逆睹忽然得聞乘便利拉腸摧胸倏已仆
勝者跪飲酒一卮不勝者愧不敢怒由來角觝古所傳
百戲中獨近戎務技逾蹴毬鍊脚力事異拔河供翫具
國家重此有深意所以習勞裕平素君不見教坊子弟
也隨行經月不陳黥相妒

跳駝

蹠足者躍
過駝背

明駝身高八九尺人欲騎之駝屈膝是誰捷足矜跳騰
曲踊能向駝身越如丸脫彈決而起如水經搏躍而出
翩然藉過駝背來不著駝毛一毫忽自起至落二丈餘
到地植立仍不蹶老駝不解人何故似騎非騎歇非歇
但見背上雙鳧飄捷於猿獠健於鶻越河跳澗只橫跨

度索緣檜尙踏實此獨絲髮無所憑自向空中逞跳擲
海上漫傳着翅人軍前已掩拔距卒緣棧定覺履險平
攀堞會見先登疾得非曾住深山中日從劍仙學鍊骨
旁觀咋舌成歎詔駝背有峯高突兀昔聞超海今超山
怪事應補諾臯闕

馳馬

番少年騎馬廿里外聞營中
礮聲疾馳而來先到者爲上

生長戎番事畜牧騎射精能擅所獨詐馬筵前獻技來
不賭身強賭馳逐結束鞍轡拴鞅絆要使兩足膠馬腹
距營廿里按隊排屹立不動力預蓄忽聞營中礮一聲
齊著先鞭鬪誰速平蕪草淺無纖塵四蹄如風雙耳竹
可憐此人與此馬併作一軀但異肉線蛇迅掣閃電光

餓鴟連叫離弦鏃不及兩刻已到營訕然而止若槁木
賜之斗酒一彘肩下鞍拜受神何肅憶嘻乎戎騎自古
利馳突中國所以每被蹙昔以此技窺邊睡今以此技
效臣僕足知 盛朝德威大鞭撻四裔無不服莫滋誇
他罄控嫻正是

廟謨駕馭燕

套駒

兒駒三歲未受羈不知身要爲人騎跳梁川谷斃原野
狂嘶慙走如驕兒驅來營前不鞍轡掉尾呼羣共游戲
旁看他馬困鞦韆自以蕭閒矜得意誰何健者番少年
手持長竿不持鞭竿頭有細作圈套可以絡馬使就牽

別乘一騎入其隊兒駒見之欲驚潰一竿早繫駒首來
舍所乘馬跨其背可憐此駒那肯繫愕跳而起如人立
如人直立入轉橫人駢而騎勢真急兩足夾無爰上鈎
一身簸若箕前粒左旋右折上下掀短衣亂翻露袴褶
握鬃伏鬣何晏然銜勒早向駒口穿纜穿便覺氣降伏
弭帖隨人爲轉旋由來此物供人走教駝非誇好身手
驟施不嫌令太速利導貴因性固有

香山夜歸卽事

露柳清陰十里遙阿誰乘月夜吹簫馬頭相並無迴避
同踏香塵過板橋

鬢絲秋老杜樊川那復風情似少年慚愧驚鴻偏照影

讀人春夢小遊仙

意似相親又作生
撩人眉語最多情
錦囊相傍頻偷看
一樹梨花浸月明

憐才紅粉古來曾
何許監奴意亦能
落拓慚非蕭穎士
敢期來伴讀書燈

夜永棲烏寂不飛
露華涼欲透羅衣
玉驄亦解人良會
故踏花陰緩緩歸

纔下雕鞍又二更
臨岐含語未分明
從今破盡枯禪戒
不在鄰牆釵釧聲

同畢秋帆蔣漁邨遊朝陽門外東嶽廟

幽尋偶趁退朝餘
岱嶽宮高展謁初
白晝陰森神鬼氣

丹楹宏麗帝王居

宋祥符中加東楹
爲天齊仁聖帝

牛頭像記名卿望

諸廟像
皆劉鑿

碑螭首碑留學士書

廟有趙
承旨碑

愧我無才作霖雨敢談膚寸

布空虛

同年方牧園成進士將南回以歸舟圖索題爲賦

四絕句

成名何事又遲留旅食長安忽過秋十月潞河冰欲合
爲君點筆賦歸舟

船到三山又引迴莫從塵土羨蓬萊君看上洞神仙侶
也有思凡謫下來

登第仍憐需次行檣旗猶未有官名兩回第二題魁處

寫作頭銜也自榮

君鄉會試俱
名在第二

中流擊楫果爭先
席帽來看畫繡旋
晚飯柁樓聊快意
不須夜讀運租船

與汪經耘編修同寓

論交真有古人風
旅邸相依蛭蟹同
四傑才甘王勃後
三間麻讓士衡東
聯吟不用詩筒遞
劇飲常教酒盞空
從此應添對牀話
一燈頻爲兩人紅

題王摩詰渡水羅漢圖

一僧誕先登彼岸
芒屨未著露兩脣
一僧半渡波沒膝
回視後僧尙隄畔
倒持鋤杖來相援
後僧手接若魚貫
凌兢似怕一失足
水作醞醑頂中灌
連尻結股蚯蚓行
尺步繩趨不敢亂
臨池賭馬夜愁蹶
聽冰老狐春懼泮

是何緇流有底急不待船來葦間喚我聞釋氏妙變化
寶筏能引迷津斷乘杯過河駛往還踏蘆渡江狎滌泔
胡爲此獨憂及溺帶水拖泥背淡汗豈因皺面觀河悲
恰似繫腰向井看應知畫師意匠別契禪真托豪翰
貌出溪邊老古椎敬慎不作散人散愷詹傳是右丞筆
年深絹素已漫漶既無思陵妙題跋亦少後郵精論斷
志雅堂雜抄松江鎮守張萬戶家藏王維渡水僧圖有宋高宗御
題又劉後郵集有跋王維渡水羅漢圖此幀俱無或係臨本也丹青真贋
那得知屬搨神情獨可按空門久已外生死猶自臨深
存畏憚卽事足悟垂堂戒絕勝貫林畫羅漢莫矜寶繪
供香嚴好挂虛齋澄水觀

歲暮劉蘭陔刑曹竹軒中翰招同章習之吏部暨

北墅漱田玉亭諸同人讌集梨園小部縱飲追
歡卽席有作

休沐相招歲晚天斜街背集騎聯翩早煩掃雪三三徑
來趁消寒九九筵劇孟賓朋遊俠慣岑參兄弟好奇傳
沉沉漏鼓留髡處風景真令裂老顛

急管繁絃總樂方梨園小隊簇新妝憑他槿末都盧戲
演出人間傀儡場曼睩波橫燈影炫纖腰風蕩舞衣香
冰霜帘外寒如許誰識春先此地藏

腐儒風味本孤清竿木逢場也有情絲竹中年人易老
冰霜暮景歲將更肉屏筵上修眉史捫陣燈前戰酒兵
沉醉莫辭殘燭跋蝦蟇柳亂又參橫

題敦思族兄洗硯圖

浙水邗江作客頻，廿年老伴只羅文。
故應出入常懷袖，自向明流浣墨雲。

黯黯春陰罨曲池，浪花寒欲起蛟螭。
還疑馬上催書札，盾鼻淋漓草檄時。

步履過從記往年，數椽負郭結廬偏。
笑君門外畦如畝，長物惟餘此石田。

甌北集卷五終

甌北集

卷五

九

甌北集卷六

起戊寅正月
歲一年

陽湖 趙翼 耘菘

哈密瓜

甘瓜來自燉煌西重氊裹壓明駝蹄或長如枕大如斗
覆棚培土法未稽路遙價貴競珍重綠膚弗忍刮以餽
副之猶恐太暴殄截來寸寸成方圭其中應有汁滿腹
日久暈入紅玉肌甘芬不數文官果清脆欲賽哀家梨
惜哉到京已冬節切處先愁寶刀折僅堪杯酒佐解醒
未得巾絺効消熱潤肺雖同咽清露戰牙不免嚼寒雪
我思此瓜亦熟秋夏期郵籤萬里到乃遲色味幸非香
荔變節候已等標梅悲李廣本足侯萬戶數奇母乃不

遇時古來物產可移植曷弗試種當陽陂

昔詩陽陂可種

君不見

蒼荀分根自大食茉莉購種從波斯
菠稜舊爲婆羅菜安榴故是塗林枝
高昌葡萄上苑茂大宛苜蓿離宮滋
卽如西瓜產回紇胡嶠出塞驚絕竒
今已蔓延徧中土功妙驅暑逾涼颺
可知芸生信蕃變遷地亦有譜土宜
阿誰好事姑藝此未必踰淮橘爲枳
倘同萍實結滿畦六七月間涼沁齒
老饕斯時快大嚼寧羨刷藕調冰水

移甯樅樹術袖

顏年書劍客平津宣武坊今僦屋新
喜有園林教作主敢誇門戶不依人
賃春尙未借荆婦

股春將到

祭竈仍先請北

鄰莫笑腐儒家具少牙籤也自壓雙輪

十笏林巒樹影斜芳鄰更妙按紅牙

對門有歌者胡郎寓

來聽北里

新翻曲到及東風滿院花詩社分題馳檄促酒杯留客

隔牆賒書齋別有新妝點粉壁名箋爛似霞

同人皆有詩賀選

時晴扁額墨光浮猶是尙書手筆留人物百年思老輩

主賓十載感前遊名歸青史無瑕指地過黃鱸有淚流

門館重來陳迹在豈勝華屋槍西州

寓卽汪文端師時聘齋書室

夜直

鱗鱗鴛瓦露華淨司旦雞人遞幾籌法酒一壺官燭兩

夜深天上草詞頭

題湯肖山道服小照

機拂荷衣兩鳥鳧自貪入道不爲儒只嫌廣類豐頤相

尚欠仙人一格癩

神仙原不禁風情學道何妨也不成莫是樵陽遊戲日
尚餐雲母媚雲英

醉泥玲瓏曲未殘巖棲母乃太孤單笑君果欲修真去

或有人思扮女冠

君所善歌者

家母攜賤累至京

輕軒到及日高春軟腳筵開席幾重白首人纔嘗薄祿
黃齏飯久累司饗一番官樣奴僮演滿室鄉音笑語喞
最是老親從不飲今宵也醉酒杯濃

十載糟糠耐食貧到來瘦而帶艱辛君真椎髻持門婦
我少金釵別院人鄉味紛攜益益滿衣裝畧具綺羅新

相期早佩宜男草看取明年產石麟

話到團圓又黯然參軍新婦向隅偏

亡弟之婦周
隨家母來京

望雲纔喜

扳輿侍聽雨重懷對榻眠牧豕公孫窮俄日負薪翁子
此離年鵠原無限傷心事根觸燈前暗淚漣

題粵東百歲翁劉作菴宛在亭圖

虛亭一何敞宛在水之中中有百歲翁鬚髮扶桑紅不
藉鳩杖扶不憂鹿皮躡豈惟少年輩驚與大父同卽看
色養人華顛亦已童孫曾更無數頭角多熊熊兼或紆
朝紳郎署聲駿雄披圖藹如覩其樂也融融世所羨大
年莫如錢鏗叟不則丁令威歸來千年後詎知彼二老
仙骨空不朽妻子化異物人民無故友斟酌惟子身化

鶴罕儕偶獨立蒼茫天誰與伴永久御女亦無聊畱爪
究何有豈如此翁福萊絲紛左右長嗜曲厯承少者辟
呬走採蘭潔晨羞種菊釀春酒試問神仙流得與此樂
否吾聞先哲語王澤多壽民觀翁一耆宿足徵國運淳
南陔白華作世乃無小旻誠哉太平瑞可以傳千春

再出古北口

紫塞秋風緊凌寒踏曉霜滌餘沙盡白關外柳先黃飲
馬長城窟呼鷹古戰場平生登覽興敢惜髩毛蒼

木蘭較獵恭紀

不龜令肅正新涼路指周陔較獵場夜火千屯山氣紫
以風萬騎塞塵黃清時邊備無傳警絕徵軍威正敞

防自爲昇平勤肄武豈徒禁麗侈長楊

行闕嗟峩倚翠屏名王俱入宴彤廷嘗新螯蟹勝淮白

魚名見揚
賦齋集

奏捷頭鷺有海青酒醉瓊漿清暑殿香霏金粟廣

寒庭欲知

湛露恩深處琰管鈞天十日聽

行宮大宴十日過
中秋即入木蘭

啓蹕旌麾肅隊齊舌人添譯玉關西轡調八駿背宛馬

刀帶千牛有鬻奚

哈薩克進八駿馬
降勇多備指新

霜信遲猶留嫩草潦痕退

已少輕泥木蘭好片清秋景黃葉青山百鳥啼

千三百騎布圍成番部簽來歲踐更拂鞞鞭追飛兔影

鳴箭作餓鳴聲烽烟前代防邊地裘褐中朝保塞

兵最是獲禽頒賞處滿營膜拜頌恩榮

三驅卓午正晴暉黃繖從容下翠微魚麗已看排疊

陣鹿奔猶想突重圍
俄驚雨血塗山赭
或有風翎帶箭
飛行樂不忘娛

聖母看城早設在林霏

合開處爲
皇太后設看城

哨鹿三更帳殿開
隨行數騎盡銜枚
地如深入於菟窟
物有相招鷲雉媒
雋呼燈山外火
割鮮行酒馬前杯
相如何用憂銜繫

天子曾經殺虎來

上哨鹿手殺一虎有
御製虎神槍歌紀事

十丈穹廬朶殿圓
名王進食做瓊筵
佩刀親薙茸茸草
箏柱齊搗切切絃
花映猩紅名十八
饌來熊白路三千
笑他一個呼韓侍
可及
熙朝萬部聯
蒙古諸王設
幄殿進膳
獵罷歸程馬首東
諸蕃曉送繡旗紅
路分塞外龍堆雪

秋入關南雁陣風黍熟市低沽酒價犁閒人課索絢功
宸遊別有欣然處繡甸年年慶屢豐

恭和

御製幻花八咏元韻

霜花

灑灑彌空映曙光秋霜偏試薄寒妝色分姑射肌膚潔
開定青娥頃刻忙渲入蒼葭增荻老蒼來紅樹帶楓香
寥天正藉鮮華綴不用清吟玉露傷

雨花

幾陣廉纖濺雨微庭前忽訝燦芬菲可應仙女拈來散
似向高僧說處飛露下臙脂應共濕空中色相本無依

曼殊妙不生根蒂未許看花客折歸

風花

曾傳香氣結樓臺巧布網縑又一回長養原憑吹籟出
纈紛恰似帶薰開詎愁片片春飄落不待番番信送來
宋玉漫誇能作賦筆端終乏揆花才

浪花

輕瀾數點碧溪濱醞釀寧煩淑氣縑水面文章添一種
波心綺縠讓三分瓣非桃謝流紅雨葉借萍浮觀綠雲
已悟金經六如喻莫將花樣畫湘裙

燈花

金蓮錦樹漫相誇一穗明缸自吐花暖豈葭灰烘律管

艷爭燭火映窗紗不同夜合常宵閉若被風吹亦影斜
消息最先能報喜靈苗驗取赤如霞

酒花

釀花作酒始何時酒面重開澆澆姿未便醉迷坡老眼

東坡詩醉眼
有花書字大

先看潮暈麴生肌漫疑插髻還相照

仰弄尖詩頭上
花姿照酒卮

但會飛英或未知

范景仁宴客茶糜下有它
大白人號爲飛英會見周詩
誠齋雜記

自是洞庭

春色滿金波風動輒紛披

筆花

馥似梅檀蔚似霞一枝斑管頓生花自饒香艷供詞客
慣吐芳菲到畫家藝苑燦來常倚旒墨池映處可橫斜
江郎夢後開難盡長向人間散寶華

心花

趙昌沒骨畫難如姿致隨人作密疎絕艷毋參神賞處
真香恰在鼻觀初乍萌意藁先含秀不托情根自植虛
妙補化工生趣滿物華長藉
睿才舒

哭白峯之訃

惡耗驚聞淚滿巾里閭徵逐最情親十年游跡成前夢
四海知心幾故人白馬素車來未果雙雞斗酒語如新
寢門爲位能無慟痛定重疑信未真

傳家節孝澤宜憤研削燈窗志激昂元凱生平書有癖
次公意氣醒而狂筆堪塚瘞知多少墨與人磨互短長

一第未邀知不暝重泉應尙吐光芒

惠連宿草幾經春

君從弟廷宜前歲歿

忍聽荒阡又斷珉何事壯夫

皆未老却看故鬼又添新十年竟哭君三世

今祖文侯父應龍十年中相繼

下世五友先亡此兩人

余與君及令兄杏川暨世宜潘震象爲五友

子立自嗟頻送死

凄然顧影獨傷神

兩家衡宇故依然回首何堪憶往年某水某邱遊釣地
一觴一詠艷陽天塗鴉紙在痕難滅烹鯉書來字尙鮮
他日歸田思舊事酒壚何限淚如鉛

世緣草草百年終差喜青箱未付空葛帳孤兒能蠟鳳
箭筈蔘婦欠九熊魂歸黃土聞應慰眼在蒼天報必公
車笠故交吾未死忍看肥瘠路人同

悼亡

扁舟纔到暮春中，淒絕秋闈罷女紅。
千里赴京如送死，十年爲婦正奇窮。
瓦燈猶照空牀，篔簹總恨誰扶，削杖桐

生二子
已焉

正是薊門搖落後，淚和殘葉灑西風。

寒垣于役苦分離，奔赴仍憐片刻遲。
生不並頭頻遠別，死留一面作長辭。
亟呼不應君真逝，欲語無窮我未知。
最是彌留情更慘，一聲聲問客歸期。

余扈從塞外以九月廿二日抵京君已歸彌留片刻矣

百分絕少一分償，只道將來日正長。
多病尙辭賒藥餌，新婚便典嫁衣裳。
頻年癡想登高第，半載窮奢食太倉。
信有人間論薄命，擬呼日者再推詳。

前塵歷歷總堪思，閭閻曾無燕笑期。
鴻案風存孺氣味

牛衣語帶俠，鬚眉深骨。機杼衰親飯，荒歲樵蘇巧婦炊。
一病那能不畏逝，久知力盡命如絲。

急景俄驚逼歲闌，殘冬隨例作林。

去

消寒老親拚攜迎年。

酒弱女經營，餞臘盤爆竹聲中。虛煖熱燭花影裏，獨對
粗劇憐蕭寺，冰霜夜冷骨孤眠。七尺棺。

獨夜鯨魚淚，暗彈誰無人勸。續新歡，魂歸瓊瑤看應痛。
貧覺糟糠替倍難，手澤尚存衣線補心香。不共篆烟殘。
他年塚上相思樹，建理終應向爾蟠。

新做宅有小樓可憩而多狐。易詩以禳之。

漫憑狡獪擾幽墟，禍福靈氛早告予。山鬼豈知經歲事，
仙人浪說好樓居。開堂笑汝禪仍野，媚寇慚吾術已疎。

談易倘如王輔嗣未妨來對一窗虛

汪文端師歿已數月每欲一述哀情卒卒未暇也

輟直樞曹閒居無事甫得和淚漬墨以詩哭之

凡一千字

人物高平古師生近十年乘箕歸浩渺爲位累潺湲作
楫中朝望和羹內相權身尊何砥柱班侍樂釣天密勿
恭 溫室謀猷布細旃嶽雲千里潤谷黍一陽旋

廟畧綵繪煥朝章黼黻宣胸常涵霽月量莫測澄淵銘
拍精金鍊翅翔吉羽翩延推風度獨門絕黨援偏餘事
兼風雅斯文極討研別裁嚴僞體孤倡學其訟領袖蓬
瀛上淵源漢魏前尊彝崇法物鐘模考官縣清廟朱紘

淡明延白壁圍羣材趨匠石巨手斲輪扁納屨慚初學
升堂揖大賢龍門依杖屢蛾術課丹鉛跡爲依劉隱名
叨說項傳羽毛邀假借規矩得周還杜山尙書塢蕭齋
弟子鹽林亭規賭堊花木麗平泉鄴架籤論萬曹倉卷
累千露函分宛委寶笈聚鄉嬛砥室挑燈坐重簾下榻
眠一甌竒肯借三篋秘寧鍵貧眼驚羅貝飢腸飫割鮮
聽遊烟海浩更指軌塗平北轍無紆軫南針有捷阡穀
中棲鵠矢視後牧羊鞭檄命陳琳草文憑任昉編每教
頻易稿代擬未完篇結搆排文陣淋漓仿筆椽一裘狐
腋集九曲蟻珠穿窗紙呼蠅出車輪賭蝨懸弗辭三折
臂索解九方馱點有成金鐵拋真引玉甌不調還解瑟

得意並忘筌。癘處烏搔快。癘痕獺補痊。乙鴟精鑿別五
雀定衡銓。相賞頻攜酒。從游或扣舷。門庭高座獨。絲竹
後堂專。仕版登初地。樞曹忝備員。喜供文字職。仍侍斗
台躔。插羽宵催贖。濡毫曉奏箋。詔麻頒魏闕。軍檄定

先零事。集中書省才。慚上水船漏。沉鈴動索燭。絀炬分
蓮鞋底。遭非辱詞頭。收愈妍。斧邀修月快。斤到運風遒。
清蹕車同廬。黃沙帳更聯。山深秋落葉。夜永月臨邊。旅
跡隨征騎。鄉風話叱犍。銖炊塵滿甑。野宿幕支枅。矮几
東西列。行牀上下連。癘常餐互勸。病或藥親煎。吟撚枯
髭禿。書呵凍。手攣影形同。蛭壓踪跡比。夔豉竇主家人。
誼門墻宿世緣。百年人草草。一別淚濺濺。梁木俄傾折。

力圭漫祝延

至尊親哭臨諸老各悲牽美諡榮褒袞崇祠肅饗遷尙
方營斂具內帑治喪錢國有良臣誅門婁坐客筵升榮
魂豈復負土手甘胼子立身如贅單行步每遭疲牛仍
輓磨孤鴈忽驚弦鎖院簪毫地周廬待漏屢豈曾潘鬢
老共謂旭書顛輟直歸西掖投閒類左遷雀羅貧宦味
蠹簡腐儒寧仰屋重探學扇門自省愆叢編勤獺祭殘
卷剔蝟涎濩落官雖退摩挲腹尙便書成楊子詭調絕
拍牙絃慧業空期佛儿胎孰識仙質珍乾鼠璞瓊噪野
聞彌憶援垂手頻傷企及肩敬容殘客感宋玉大招虔

老輩真難得餘生益自憐重來尋步履回憶荷陶甄人
寂廉公市莊荒陸氏田門庭涼似水履舄散如烟琴忍
雍門鼓碑難峴首鑄身原飛退鵲情比噪寒蟬無復聆
揮塵空思効昇復師資今已矣宦迹益孱焉歎逝情彌
切酬知願枉堅惟憑修綆汲還炷瓣香燃文苑芟榛莽
書城築澗瀝表彰餘論播纘述緒言綿壇坫爲標幟江
河助障川浮談除稷下絕學溯河先後死文終托先生
道未捐遙遙千載事天咫證空元

出軍機仍直內閣

樞府頻年愧素餐重來省掖分粗安就閒我喜還初地
愛熱人看似左官紅藥艷仍翻卸砌紫薇高已過雕闌

抄詩院吏先相笑依舊渠來主玷墮

敢說揮毫筆有神斲窓客已暗生噴

同官有不覺者

却憑覆雨翻

雲手還得吟風弄月身宛委穴探多秘笈香巖室掃絕
纖塵閉門自有陳編在不對今人對古人

最憶秋山木葉飛每隨羽獵着征衣碧天過雁風排陣
紫塞呼鷹雪打圍行迹已看成斷夢少年所愧息勞機
祇應歲歲清霜候筋骨猶思試馬肥

虛煩存問遍公卿畫餅真慚浪得名詔誥已歸陽子烈
詩文猶說黨懷英曉趨龍尾無牋奏夜寫蠅頭有課程
腕脫抄胥何足道留將綠筆咏昇平

題柳如是小像

女假男裝訪名士絳雲樓下一言契美人肯嫁六十翁
雖不鬚眉亦奇氣妾膚雪白髻雲烏伴郎白髻烏肌膚
肯同搽粉稱虞候并陋持門勝丈夫扁舟同過京口泊
桴鼓金山事如昨何代青樓無偉人可惜儂家貨主惡
早聞譙叟寫降箋不遣朱游和毒藥妾勸郎死郎不膺
妾爲郎死可自憑褚公偏亭期頤壽毛惜終高節俠稱
三尺青絲畢命處尙悲不死在金陵畫圖今識春風面
果然絕代紅妝艷誰知膩粉柔脂中別有愛名心一片
君不見同時卞玉京心許鹿樵事未成旋適貴人爲棄
婦流離含淚盡蘭英又不見顧眉生榮華曾擅橫波名
當其夫婦從賊日捧泥塗面逃出城一樣平康好姿首

青青終讓章臺柳

冬夜同人讌章習之前輩宅

選舞徵歌集畫堂消寒共作少年狂酒推大戶先行陣
詩讓名家獨擅場照座玉山裴叔則勸杯金縷村秋娘
殘冬常厭更籌緩今夜如何夜不長

題藥庵僧遺像

曾住花山最上層披圖猶見骨峻嶒立朝章疏批鱗手
易世衣冠削髮僧故國遺墟傷北望空門法席演南能
孤標自是經奇士莫但相推續佛燈

領俸米

天庾慚叨甘斛分恰如轉漕濟飢軍向來思乞謝仁祖

今日欲驕揚子雲黠鼠暗鏡欣得食荒雞聞信亟呼羣
何須更寫平原帖塵甌先看幾婦勤

癸辛原有
七米帖

贈張吟薌秀才

閒居苦岑寂兀坐想好友宦冷既寡交地僻更罕偶昨
來蔣吉士

心餘

笑我目封部去此不數武有客屹材藪舍

近輒圖遠曷怪星在罾我聞喜欲狂徑造一握手果然
愜心期爽氣溢戶牖遂從索行卷篇什蔚瓊玖自笑真
荒儉無日似水母比鄰有斯人乃不識誰某攜歸重展
玩其才實富有兩冊花間詞奪席屯田柳清音獨爾絲
豔態百花酒幽芬嗅露爾脆味嚼雪藕有時鐵撥絃迸
落鮫珠剖忽吹烟竹笛老龍變爲叟讀之惟恐盡長吟

欲其久每到得意時浮白帳一斗嗚呼書生眼動輒慕
不朽自非才分殊事詎可倖取滔滔世運嬗如波日東
走何限魁杰流滅沒滯其首序黠甫揚輒十已去八九
君也殆庶幾生才定非苟繫余懶廢學胸膈俗氛糾譬
若白頭嫗自顧傷老醜一朝見麗人歎羨不容口又如
道子畫不能自運拊忽觀舞劍勢其氣乃抖擻寓齋喜
咫尺相距不盈畝步履好屢過倉琅會頻叩吉士固可
人近不在腋肘自今數晨夕與君作吟耦清談未妨諧
白戰我甘負